

ჩემი გაზეთი

ბალდათის მუნიციპალიტეტი, ა. (ა.) ი. ვ. ხელოვნებისა და ხელოვნების განვითარების ცენტრი



ჩემი და მშენებელი შეკრის თანამშრომლობის

2022 წლის 24 თებერვალს რუსეთის რესპუბლიკამ უკრაინაში ფართომასშტაბიანი ომი წამოიწყო. რუსეთის პრეზიდენტმა ვლადიმერ პუტინმა დონბასისა და ლუგანსკის სეპარატისტული რეგიონების დაცვის საბაზით უკრაინაში სამხედრო ოპერაციის დაწყების შესახებ განაცხადა. სარაკეტო დარტყმები დაიწყო ქვეყნის მასშტაბით, მათ შორის დედაქალაქ კიევთან ახლოს. უკრაინაში საომარი მოქმედებები დღემდე მიმდინარეობს, რომელსაც უამრავი მშვიდობიანი მოქალაქე და სამხედრო პირი შეეწირა. დაღუპული არიან ბავშვებიც. დაიბოძა დიდი ქალაქები, განადგურდა შენობები, მათ შორის საავადმყოფოები.

საქართველოს პრემიერ-მინისტრის განცხადებით, რეგიონის სახელმწიფო რწმუნებულები და მთავრობის რეგიონებთან ურთიერთობის დეპარტამენტის ჩართულობით, მთელი საქართველოს მასშტაბით უკრაინელი ხალხის დასახმარებლად ჰუმანიტარული ტვირთი შეგროვდა, რომელიც უკრაინაში უკვე გაიგზავნა, თუმცა ჰუმანიტარული დახმარების შეგროვება ისევ გრძელდება. პირველადი სამედიცინო დახმარების საგნები, მედიკამენტები, არამალფუჭებადი პროდუქტები, პირველადი სასაქონლო ტექნიკა, ტექნიკური, ტანსაცმელი, ფულადი თანხა და სხვა შემთხვევითი ბალდათის მუნიციპალიტეტშიც შეგროვდა. უკრაინის მოსახლეობის დასახმარებლად ჰუმანიტარულ აქციაში აქტიურად არიან ჩართულები საჯარო მოხელეები, კერძო სექტორის წარმომადგენლები, ადგილობრივი მოსახლეობა, საჯარო სკოლები და სხვა დაწესებულებები.

ბალდათის მუნიციპალიტეტის მცხოვრებლებს უკრაინელი ხალხის დახმარების მიზნით, თანხა შეუძლიათ ჩარიცხოთ ანგარიშზე – 300248800. აღნიშნული გადარიცხვის ინტერნეტბანკით განხორციელებისას უნდა აირჩიოთ ბიუჯეტში გადარიცხვა. შენიშვნაში გთხოვთ, მიუთითოთ – „უკრაინისთვის.“ დახმარების განვითარების მსურველ მოქალაქეებს შეუძლიათ სხვადასხვა ჰუმანიტარული ნივთის შეგროვება, რომლებიც შეგიძლიათ მიიტანოთ მისამართზე: ქ. ბალდათი კახიანის ქუჩა №1, კულტურის სახლის შენობა. ჰუმანიტარული ტვირთის პირველი ნაწილი ბალდათის სახელით უკრაინაში უკვე გაიგზავნა.

გავზვიანო ოჯახების გაკლიეკება

სოციალური პროგრამები ერთ-ერთი მთავარი მიმართულებაა ქვეყნისა და ჩვენი მუნიციპალიტეტის მასშტაბით. ბალდათის მუნიციპალიტეტის სოციალური და ჯანმრთელობის დაცვის სამსახურის ხელმძღვანელის მარეხი მშენიარაძის თქმით, მიმდინარე წელს ამ მიმართულებით საკმაოდ კარგი სიახლე გვაქვს. განხორციელდა სოციალური პროგრამების რაოდენობა და დაფინანსების ზედა ზღვარი. ბავშვის უფლებათა დაცვის კანონის ფარგლებში, აღნიშნულ სამსახურში ჩამოყალიბდა ბავშვთა დაცვისა და მხარდაჭერის განყოფილება, რომლის ფარგლებშიც ამოქმედდა „ბავშვები ოჯახების გაძლიერების“ მუნიციპალური პროგრამა.



„მსგავს პროგრამას ბალდათის მუნიციპალიტეტის მერია უკვე ორი წელია იმერეთის განვითარების ცენტრის მხარდაჭერით ახორციელებს და რამდენიმე ათეული ოჯახის დახმარება შეეძლო. ეს არის მოწყვლადი ოჯახების საჭიროებაზე დაფუძნებული სერვისი, რომელიც მათ კომპლექსურ მხარდაჭერას ითვალისწინებს. აღნიშნული პროგრამით სარგებლობა შეუძლია ბავშვიან ოჯახებს. სოციალური მუშაკის მიერ ხდება საჭიროებების გამოვლენა და შეფასება, განისაზღვრება ოჯახის უნარი, შესაძლებლობები და ჩვევები. ამის მიხედვით იგეგმება ოჯახის გაძლიერების მიმართულება. ეს შეიძლება იყოს როგორც ეკონომიკურ გაძლიერებაზე ორიენტირებული, ასევე ფსიქოლოგიური ან სხვა პრობლემების მოგვარებაში დახმარება, რომლის განხორციელებასაც მერია გარდა ადგილობრივი ბიუჯეტისა არასამთავრობო ორგანიზაციების დახმარებითაც უზრუნველყოფს. აღნიშნული პროგრამა ითვალისწინებს დასაქმების ხელშეწყობასაც. შესაბამისი განათლებისა და სურვილის შემთხვევაში ხდება ოჯახის წევრების გადამზადება და დასაქმების მიზნით რეკომენდაციის განწვევა. გასულ წელს დახმარება გაუწიეთ 20 ოჯახს“, – აღნიშნა მარეხი მშენიარაძე.

სოციალური და ჯანმრთელობის დაცვის სამსახური მუნიციპალიტეტის მაცხოვრებლებს სხვადასხვა სოციალურ პროგრამას სთავაზობს, რომელიც 22 მუხლისაგან შედგება. ბენეფიციარები, რომლებიც დააკმაყოფილებენ მოთხოვნებს და წარადგენენ შესაბამის დოკუმენტებს, ისარგებლებენ შემდეგი პროგრამებით:

- **სოციალურად შეჭირვებულ მოქალაქეთა სამედიცინო დახმარება** (საოპერაციო, სამკურნალო და გამოკვლევების ხარჯების თანადაფინანსება).
- **ვეტერანთა დაკრძალვის ხარჯები.**
- პროგრამით ისარგებლებენ მეორე მსოფლიო ომისა და საქართველოს ტერიტორიული მთლიანობის, თავისუფლებისა და დამოუკიდებლობისათვის საბრძოლო მოქმედების მონაწილე გარდაცვლილი ვეტერანების ოჯახები სარიტუალო ხარჯების ანაზღაურებით – ერთჯერადად 250 ლარის ოდენობით.
- **საქართველოს ტერიტორიული მთლიანობისათვის დაღუპულ მებრძოლთა ოჯახების (მშობელი, მეუღლე ან შვილი) ერთჯერადი დახმარება.**
- პროგრამა ითვალისწინებს საქართველოს ტერიტორიული მთლიანობის, თავისუფლებისა და დამოუკიდებლობისათვის საბრძოლო მოქმედებებში გარდაცვლილ მებრძოლთა ოჯახების (მშობელი, მეუღლე ან შვილი) დახმარებას ერთჯერადად 300 ლარის ოდენობით.
- **უფასო სასადილოს დაფინანსება.**

გაბრძანება 89-2 83.

ახალი გზა 14 საოჯახო მარანს

ბალდათის მუნიციპალიტეტში ინფრასტრუქტურული მდგომარეობა დღითიდღე იცვლება. მონესრიგდა საავტომობილო გზები, გარე განათების სისტემები, სანიაღვრე არხები და სხვა. ყოველ წელს დაფინანსება რამდენიმე მიმართულებით გამოიყოფა. მუნიციპალიტეტის მერიის ინფრასტრუქტურისა და სივრცითი მოწყობის სამსახური აქტიურად მუშაობს, ჩართული არის სხვადასხვა პროექტსა და პროგრამაში. სწორედ ასეთი დაფინანსებების შედეგია არაერთი ინფრასტრუქტურული პროექტის განხორციელება ბალდათის მუნიციპალიტეტში. ჩვენ ვესაუბრეთ სამსახურის უფროსს კახა მსხვილიძეს და გთავაზობთ ინფორმაციას 2022 წელს დაგეგმილი და 2021 წელს შესრულებული სამუშაოების შესახებ.

„სოფლების ადმინისტრაციულ ცენტრებში მისასვლელი გზები ძირითადად მონესრიგებულია, თუმცა გამოწვევად რჩება შიდა სასოფლო გზების რეაბილიტაციის საკითხი. ბალდათის მუნიციპალიტეტს არ გააჩნია იმ მოცულობის ადგილობრივი შემოსავლები, რომ მხოლოდ საკუთარი რესურსებით მოახერხოს გამოვლენილი საჭიროებების დაკმაყოფილება. სწორედ ამიტომ ინფრასტრუქტურული პროექტების დაფინანსების ერთ-ერთ მთავარ წყაროს წარმოადგენს რეგიონებში განსახორციელებელი პროექტების ფონდი, რომელიც ქვეყნის რეგიონული განვითარების პროგრამის ერთ-ერთი შემადგენელი ნაწილია. ყოველწლიურად ფონდიდან განუვლი დაფინანსება ხასიათდება მზარდი დინამიკით. 2021 წელს 17 ინფრასტრუქტურული პროექტის განსახორციელებლად გამოყოფილი იყო 4 962 489 ლარი. აქედან 16 – საგზაო ინფრასტრუქტურის მშენებლობა-რეაბილიტაცია გახლდათ, ერთი კი ახალი საავტომობილო ხიდის მშენებლობა. საერთო ჯამში 2021 წელს რეგიონებში განსახორციელებელი პროექტების ფონდიდან გამოყოფილი თანხით განხორციელდა 12 673 გრძ. მ. გზის რეაბილიტაცია. ბალდათის მუნიციპალიტეტის სოფ. ფერსათში ლენის მარნიდან ე. წ. თავხელიძეების ბოგირამდე საავტომობილო გზის რეაბილიტაცია განხორციელდა ერთფენიანი ასფალტ/ბეტონის საფარით, საფუძველი მოეწყო ე. წ. რეციკლირების მეთოდით, ჰიდროშეკრევის გამოყენებით. საგლი ნაწილის სიგანე საშუალოდ შეადგენს 4,5-5 მ-ს. გზების გასწვრივ მოეწყო ნიაღვარმიმღები არხები და სხვა საინჟინრო ნაგებობები. დანარჩენი თხუთმეტი გზის რეაბილიტაცია მოხდა 4-5 მეტრის სიგანის 16 მმ-იანი სისქის რკინაბეტონის საფარით.

ადგილობრივი ბიუჯეტით დაფინანსდა 11 პროექტი, რომელთაგან დასრულებულია 8, ხოლო 3 გრძელდება. საჯარო სკოლების მცირე სარეაბილიტაციო სამუშაოების განხორციელების მიზნით ბალდათის მუნიციპალიტეტში 2021 წელს დაფინანსდა 2 პროექტი 80 733 ლარით. სსიპ ბალდათის მუნიციპალიტეტის სოფელ დიშის №2 და



სსიპ ბალდათის მუნიციპალიტეტის სოფ. წითელხევის კოტეჯოვარაშვილის სახელობის საჯარო სკოლებში განხორციელდა სველი ნერტილის რეაბილიტაცია.

გასულ წელს განხორციელდა 38 წერილი ინფრასტრუქტურული პროექტი, რომლებიც განხორციელდა სოფლის მხარდაჭერის პროგრამის ფარგლებში. მუნიციპალიტეტისათვის გამოყოფილი იყო 346 000 ლარი, რომელსაც ადგილობრივი ბიუჯეტიდან დამატება თანადაფინანსდება. საპოლიტი რეგიონების ინტეგრირებული განვითარების პროგრამის ფარგლებში მოპოვებული გრანტით განხორციელდა ერთი პროექტი – ბალდათის მუნიციპალიტეტის ბიზნესგანვითარებისა და ტურიზმის მომსახურების ცენტრის სარეაბილიტაციო/სარეკონსტრუქციო სამუშაოები, სახელმწიფო ღირებულებით 945 856 ლარი, სამუშაოები დასრულებულია. მიღება-ჩაბარების საკითხის განსახილველად ველოდებით საექსპერტო დასკვნას“, – განაცხადა კახა მსხვილიძე.

2022 წელს ბალდათის მუნიციპალიტეტს რეგიონებში განსახორციელებელი პროექტების ფონდიდან გამოეყო 2 854 187 ლარი (პირველი ეტაპი), განსახორციელებელ 6 ინფრასტრუქტურულ პროექტზე:

- ბალდათის მუნიციპალიტეტის სოფ. დიდველაში ე. წ. ზივზივადე-შველიძეების საავტომობილო გზის რეაბილიტაცია (გარდამავალი 2021 წლიდან);
- ბალდათის მუნიციპალიტეტის სოფ. ფერსათში ე. წ. ბუიძე-კვირიკაშვილების საავტომობილო გზის რეაბილიტაცია (გარდამავალი 2021 წლიდან);
- ბალდათის მუნიციპალიტეტის სოფ. ფერსათში ე. წ. თავხელიძეების ბოგირიდან პირველი საჯარო სკოლისკენ მიმავალი საავტომობილო გზის რეაბილიტაცია (დაიწყო 2021 წელს და განხორციელდა გზის ნაწილის რეაბილიტაცია);
- ქ. ბალდათი კ. ფოცხვერაშვილის ქუჩის ჩიხების გზის საფარის რეაბილიტაცია და ამავე ქუჩაზე, სხვადასხვა ლოკაციაზე გვერდულზე ფერდის გამაგრება;
- სოფელ პირველ ობჩაში პატარიძეების უბნიდან სკოლამდე მისასვლელი გზის რეაბილიტაცია;
- ბალდათის მუნიციპალიტეტის სოფ. დიდველაში ე. წ. ზივზივადეების საავტომობილო გზის რეაბილიტაცია.

საქართველოს მუნიციპალური განვითარების ფონდის დაფინანსებით ხორციელდება ბალდათის მუნიციპალიტეტის სოფ. მეორე ობჩაში ე.წ. ყუპნარას უბნისა და ე.წ. საბუკიას უბნის საავტომობილო გზების სარეაბილიტაციო სამუშაოები (რკ/ბეტონის საფარის მოწყობა, სხვადასხვა საინჟინრო ნაგებობების მოწყობა). სამუშაოთა მწარმოებელია შ.პ.ს. „პალადა“ და შ.პ.ს. „გზები“. პროექტის ღირებულება შეადგენს 4 148 999 ლარს. სარეაბილიტაციო გზის სიგრძეა 8562 მეტრი, პროექტი დასრულდება მიმდინარე წელს.

აქტიურად მიმდინარეობს სახელმწიფო პროგრამის „განახლებული რეგიონები“ ფარგლებში, ქალაქ ბალდათში წერეთლის ქუჩის სარეაბილიტაციო სამუშაოები. პროექტი საქართველოს

გაბრძანება 89-2 83.

სიკეთე გადამდებია

„ჩემი გაზეთის“ გუნდი იწყებს ახალ რუბრიკას „სიკეთე გადამდებია“. გვინდა გავაცნოთ ის ადამიანები, რომლებიც ჩვენი მუნიციპალიტეტისთვის უანგაროდ აკეთებენ კეთილ საქმეს. ბაღდათში ბევრი ასეთი ადამიანია და შევეცდებით, ყოველ ნომერში შემოგთავაზოთ ინფორმაცია მათ შესახებ.

მიუსაფარი ცხოველების მფარველები

მელაკუდა სამფეხა ძაღლია. ბაღდათის ცენტრში დიდმა მანქანამ გადაუარა, რის გამოც ერთი ფეხი მოსწყდა. რამდენიმე დღის შემდეგ ძაღლი აღმოჩნდა საიმედოს სასაფლაოზე. კეთილმა ადამიანებმა შენიშნეს ცხოველი და მისი დახმარება შეძლეს, პირველადი დახმარება ადგილზევე გაუწიეს. გარკვეული დროის შემდეგ მელაკუდას ქუთაისში ვეტერინარულ კლინიკაში კიდურის ამპუტაცია ჩაუტარდა. დღეს ის თავს კარგად გრძნობს და ბაღდათის მუნიციპალიტეტის სოფელ დიშში ჯერ ნინო ბურჯანაძის ოჯახში, ხოლო ახლა სოფო ლვალაძის ოჯახში ცხოვრობს.



ბაღდათის მუნიციპალიტეტის ქუჩებში მსგავსი ისტორიის მქონე უამრავი ძაღლი ცხოვრობს. საბედნიეროდ, მათ დახმარებასა და დაპურებას ბევრი ადამიანი ახერხებს. „ჩემი გაზეთის“ გუნდი გაგაცნობთ 5 არაჩვეულებრივ, ქველმოქმედ ქალბატონს, რომლებიც ამ კეთილი საქმის ირგვლივ გაერთიანდნენ. ესენია: ლელა ჭრელაშვილი, ანა ჭრელაშვილი, ეკატერინე გურგენიძე, მარიამ ასათიანი და ნათია ხარატიშვილი. თითოეული მათგანი საკუთარი ხარჯებით ზრუნავდა უპატრონო, თავშესაფრის გარეშე დარჩენილ, ქუჩაში მყოფ ძაღლებზე. აპურებდნენ და უფროხილდებოდნენ მათ ჯანმრთელობას. პანდემიის დროს, გოგონებმა ერთმანეთი აღმოაჩინეს და გაუჩნდათ სურვილი გაერთიანებულიყვნენ. ჩამოაყალიბეს საერთო ჯგუფი სოციალურ ქსელში – „ბაღდათის მიუსაფარი ცხოველები“, სადაც ერთმანეთს უზიარებენ ცხოველების პრობლემებს. ამ ჯგუფის დახმარებით მცირეოდენი შემონიშნულობაც გროვდება, რომლებიც ხმარდება ძაღლების მკურნალობას. ავტოსაგზაო შემთხვევის შედეგად რამდენიმე ცხოველი მძიმედ დაზიანდა და აუცილებელი გახდა მათი კლინიკაში გადაყვანა, ერთ-ერთ ძაღლს დასჭირდა კიდურის ამპუტაცია. შეგროვებული თანხით ასევე ყიდულობენ ცხოველებისათვის საჭირო მედიკამენტებს. შემონიშნულობა სხვადასხვაგვარია. ნყალთაშუის საჯარო სკოლის მოსწავლეებმა ერთ-ერთი პროექტის ფარგლებში მიუსაფარი ძაღლებისთვის გააკეთეს რამდენიმე სახლი, რომელიც განთავსდა ქალაქ ბაღდათში ერთ-ერთ ქუჩაზე. ხშირია კერძო შემონიშნულობები – ზოგი თანხით, ზოგი კი საკვებით ახერხებს დახმარებას. გოგონები გულისტკივილს გამოთქვამენ მათ მიმართ არასწორი დამოკიდებულების გამო. მარიამ ასათიანი ამბობს, რომ საზოგადოების ნაწილი სხვა კუთხით უყურებს მათ საქმიანობას და ისეთ კომენტარს აკეთებენ, რომ დიდ გულისტკივილსა და უსამართლობის შეგრძობას იწვევს. შეიძლება ცხოველებისადმი ყველას არ ჰქონდეს ისეთი დამოკიდებულება, როგორც მათ აქვთ, მაგრამ ხელი არ უნდა შეუშალონ ამ კეთილი საქმის კეთებაში.



გოგონები მიუსაფარ ძაღლებზე დიდი სიყვარულით საუბრობენ. მათი თქმით, ყველა ცხოველს თავისი ისტორია აქვს და ძაღლებს სახელებიც კი დაარქვენ. ლელა ჭრელაშვილის თქმით: „ძაღლებს გააჩნიათ უდიდესი მადლიერების გრძობა, მათ იციან დამახსოვრება, ათას ადამიანში ამოგარჩევენ სუნით და ძალიან განიცდიან მეგობრის დაკარგვას, ტირიან კიდევ“. უმრავლესობას ძაღლებისადმი სიყვარული ბავშვობიდანვე ჰქონდა. განსხვავებული ისტორია აქვს ნათია ხარატიშვილს. როგორც მან ჩვენთან საუბარში აღნიშნა, მისი ძაღლებისადმი სიყვარული ერთ ავტოსაგზაო შემთხვევას უკავშირდება. ნათიას ძაღლს მანქანა დაეჯახა და დაშავდა. მან ყველაფერი გააკეთა ძაღლის გადასარჩენად. ამ ფაქტის შემდეგ ნათიას დამოკიდებულება ცხოველებისადმი შეიცვალა და უფრო მზრუნველი გახდა.

ჩვენს ქველმოქმედ ქალბატონებს დიდი გეგმები და სურვილები აქვთ. სურთ, მოხდეს მეტი დანატრეფება და გვერდით დგომა სახელმწიფოს მხრიდან ამ მეტად მნიშვნელოვან საქმეში. აპირებენ ჩამოაყალიბდნენ როგორც ორგანიზაცია და უკეთ შეძლონ მიუსაფარი ცხოველების მოვლა-პატრონობა. ბაღდათის მუნიციპალიტეტში არ არსებობს ვეტერინარული კლინიკა, სამედიცინო დახმარების გასანეგავდ გოგონებს უნევთ ცხოველების ქუთაისში წაყვანა. მათი დიდი სურვილია ჩვენს მუნიციპალიტეტში მოხდეს რაიმე ფართის გამოყოფა, სადაც მოხერხდება ძაღლების თავშესაფრის მოწყობა, მათი სტერილიზაცია, რაც უფრო უსაფრთხოს გახდის ცხოველების ქუჩაში გადაადგილებას. გოგონები ასევე მიმართავენ ადგილობრივ მაცხოვრებლებს – კეთილი ნებისა და სურვილის შემთხვევაში ყველას შეუძლია ქუჩაში მყოფი ძაღლის შეკედლება.

ბაღდათის მუნიციპალიტეტში ყოველ წელს მიუსაფარი ცხოველებისთვის გარკვეული რაოდენობის თანხა გამოიყოფა, რომელიც ძაღლების აცრას ითვალისწინებს. უპატრონო, ქუჩაში მყოფი ცხოველების პრობლემა ქვეყნის მასშტაბით დგას და ამ საკითხზე რამდენიმე ორგანიზაცია მუშაობს. „ჩემი გაზეთის“ გუნდი ნინსვლასა და ნარმატებას უსურვებს მათ ამ კეთილშობილურ და მადლიან საქმეში.

ნინო რობაქია

აუდიო წიგნები ბაღდათის სენსორულ ბიბლიოთეკაში

აფხაზეთის უსინათლოთა და სმენადაქვეითებულთა კავშირ „ჰერას“ ინიციატივით, ა. (ა). ი. პ. ბაღდათის ხელოვნებისა და კულტურის განვითარების ცენტრმა 15 აუდიო წიგნი შეიძინა, რომლებიც ბაღდათის ცენტრალურ ბიბლიოთეკას გადაეცა. ამ ეტაპზე შეძენილია შემდეგი წიგნები:

- გურამ დოჩანაშვილი – სამოსელი პირველი;
- სულხან-საბა ორბელიანი – სწავლებანი, სიბრძნე სიცრუისა;
- ნიკო ლორთქიფანიძის მოთხრობები;
- რევაზ ინანიშვილი – რჩეული მოთხრობების კრებულიდან „ჩიტების გამომზამთრებელი“;
- ჯემალ ქარჩხაძე – იგი;
- გიორგი ერისთავი – გაყრა, ძუნწი;
- ჭაბუა ამირეჯიბი – დათა თუთაშხია, გორა მბორგალი;
- ქართველი კლასიკოსებისა და თანამედროვე პოეტების რჩეული ლექსების კრებული (სასკოლო პროგრამა), 3 აუდიო დისკი;
- ქართველი და უცხოელი პოეტების რჩეული ლექსების კრებული;
- სასკოლო პროგრამა ლექსები, პოემები, მოთხრობები, ზღაპრები, 3 აუდიო წიგნი.

წიგნის მიერ მსურველს შეუძლია მიმობრძანდეს ბაღდათის ცენტრალურ ბიბლიოთეკაში და ისარგებლოს აუდიო წიგნებით.



იუზუაყუ ბაოკათში

ბაღდათის მუნიციპალიტეტში არაერთი მნიშვნელოვანი და დიდი ისტორიის მქონე ძეგლი მდებარეობს. მათი ნაწილი დანგრეულია და აღდგენას საჭიროებს. „ჩემი გაზეთის“ ფურცლებზე ხშირად იბეჭდება ინფორმაცია ღირსშესანიშნავი ადგილების შესახებ. გვინდა, მოსახლეობას გავაცნოთ მუნიციპალიტეტში მდებარე ისტორიული ძეგლები. ამ მიზნით დავიწყეთ კიდევ ერთი ახალი რუბრიკა – „იმოგზაურე ბაღდათში“, რომლის ფარგლებშიც ამ ნომერში ბერიეთის მონასტრის ისტორიას გავაცნობთ.

ბერიეთის მონასტარი

ბაღდათის მუნიციპალიტეტის სოფელ კაკასხიდიდან აღმოსავლეთით, 2 კმ-ის დაშორებით, ხვალასკურის მთის მიდამოებში მდებარეობს ნასოფლარი ბერიეთი (სოფელი სავარაუდოდ 1930-იან წლებში უნდა დაცლილიყო). სავარაუდოდ, XVII-XVIII სს-ში სოფელი ბერიეთი ზეკრის ხეობისკენ მიმავალი გზის ერთ-ერთი პუნქტი იყო. ის საკმაოდ დიდი და ჩამოყალიბებული სოფელი იქნებოდა, რაზეც დღევანდელი ნანგრევები მიუთითებს. ნასოფლარში მდებარეობს მცირე ზომის ეკლესია, რომელიც წმინდა ელია წინასწარმეტყველის (ჰეზბიტელის) სახელობისაა. იგი წარმოადგენს ბაზილიკური ტიპის, ერთ ნაწიან ნაგებობას. ეკლესიის მთავარი შესასვლელის კარის თაღზე ორ ლომს შორის ჯვრის რელიეფური გამოსახულებაა ხუცური წარწერით „ჯვარი დიდებისა“.

ბაღდათის თვითმმართველობაში ქართული ოცნების მოსვლის შემდეგ, აქტიურად დაიწყო საუბარი ტაძრის რესტავრაციასზე. ამ საკითხზე განსაკუთრებით აქტიურობდა ან გარდაცვლილი მამუკა გორგოძე, რომლის ძალისხმევითაც შესაძლებელი გახდა გაკეთებულიყო ეკლესიის აღდგენის პროექტი. 2020 წელს ვანისა და ბაღდათის მიტროპოლიტის – მეუფე ანტონის კურთხევითა და ბაღდათის თვითმმართველობისა და ფონდ „ქართუს“ მხარდაჭერით ალბათ დასავლეთ საქართველოს ერთ-ერთი უძველესი ეკლესია ხელახლა იქნა აღდგენილი და შესაძლებელი გახდა აქ სამონასტრო ცხოვრება გამოცოცხლებულიყო. ეკლესია-მონასტრის წინამძღვარი მამა ეფრემი ჩვენთან საუბარში აღნიშნავს, რომ ეკლესიის აღდგენის პროცესში ნაპოვნი იქნა ადამიანების ჩონჩხები და სასოფლო-სამეურნეო დანიშნულების ჭურჭლები, ასევე აღმოჩენილ იქნა მოჩუქურთმებული ქვები. მისივე თქმით, ეკლესია სავარაუდოდ დაარსებულია VIII-IX საუკუნეებში, ხოლო XVII ს-ში სამხრეთ საქართველოდან გადმოსახლებულმა მოსახლეობამ ხელახლა აღადგინა.



ყოველ წელს, 2 აგვისტოს, აღინიშნება ბერიეთობის დღესასწაული. მამა ეფრემის თქმით, ნამდვილი ელაობა სწორედ ბერიეთობის დღესასწაულია, რადგან სწორედ ეს ეკლესია წმინდა ელიას სახელობის. სოფელ ბერიეთში უფრო გავრცელებული გვარები ყოფილა: ბერიძე, გორგოძე და კობიძე. დღესასწაულზეც ძირითადად ამ გვარის წამომადგენლები წმინდა ადგილის მოსალოცად ბერიეთში აღიან და რელიგიურ დღესასწაულს აღნიშნავენ.

P.S. ვფიქრობ, ნასოფლარ ბერიეთის არქეოლოგიური შესწავლა ძალზე მნიშვნელოვანია, რადგან აქ გადიოდა სამხრეთ საქართველოდან დასავლეთში გადმოსასვლელი გზის ერთ-ერთი მონაკვეთი და ამ ტერიტორიაზე ბევრი საინტერესო არტეფაქტის ნახვაა შესაძლებელი.

ჯუანაშერ გუგუშვილი

ნიჭიერი თაზა

რუბრიკა „ნიჭიერი თაზა“ აგრძელებს ერთგული მკითხველისთვის შემოქმედებითი ადამიანების გაცნობას. გაზაფხულის პირველი თვის სტუმრად ნიკოლოზ კობიძე მოვიპატიეთ. ნიკოლოზი 1994 წლის 30 მაისს ბაღდათის მუნიციპალიტეტის სოფელ ფერსათში დაიბადა. წერს

ლექსებს, ზღაპრებსა და გამონათქვამებს. რადგან მას საკუთარ თავზე საუბარი არ უყვარს, მისი ლამაზი პოეზია ისაუბრებს ავტორის პოეტურ სულისკვეთებაზე.

❖ შენთვის ცხოვრება ფერადი, ფერად-ფერადი ფერები...
ნუხელ იმაზე ველავდი, რომ ველარ მოგეფერები. ჩემი ცხოვრების ხატვაში ჭარბობს შავ-თეთრი ფერები, მხოლოდ ჩემს წარმოსახვაში ვიყავით ბედნიერები.

თუ არ ვცხოვრობ და მაინც ვებრდები?!

❖ ქვეყნად არავის აღარ ვენდობი! მეც ხომ არავინ აღარ მენდობა...
მოახლოვდება წუთი შენდობის, აღარ მჭირდება როცა შენდობა. ახმაურდება ბავშვის სამარის დაუნდობელი, შავი ბელტები და სამართალი, ღმერთო, სად არის,

❖ ბნელ შენობაში ღამურები სიცოცხლეს გამოგენ! მათ გამოჩენას ღამღამობით სად არ ელიან...
ცივ საფლავებში ღამღამობით მკვდრები ამბობენ: „ზოგის სამოთხე ჯოჯოხეთზე საზარელია“
მაღალ ხრამებში მაღიანი ყვავი და ლემი მოსჩანს და იქვე ზეცას უყვებს მუხის ფულურო. თუ გასურს გაიგო, რა მანუხებს სინამდვილეში, ჩემს უძლურ სხეულს, ჩემთან ერთად უნდა უყურო.

აზა გაშანვიშვილი

„ხელოვნება, თავისუფლება და შემოქმედება უფრო სწრაფად შეცვლის საზოგადოებას, ვიდრე პოლიტიკა“ (ვიქტორ პინჩუკი). ახლა, ამ მძიმე უამს, როცა ადამიანები ერთმანეთს სამკვდრო-სასიცოცხლოდ დაუპირისპირდნენ, მხოლოდ საზოგადოებრივი ერთიანობა, პატივისცემა და თანადგომა თუ გადაგვარჩენს. ხელოვნებას ყველა ეპოქაში განსაკუთრებული ზეგავლენით შეეძლო განამსყვეტი და მართალი სიტყვა ეთქვა საზოგადოებისთვის. ბალდათის მუნიციპალიტეტში კიდევ უფრო დიდი მონდომებითა და შემართებით დაიწყო კულტურული სიახლეები. „ჩემი გაზეთის“ ფურცლებზე გზადაგზა გვიამბობთ სიახლეებსა თუ გამოწვევებზე.

ბალდათის სახალხო თეატრს ახალი რეჟისორი ჰყავს. ჩვენი გუნდი დაინტერესდა მისი გეგმებით, იდეებით და სასაუბროდ ვესტუმრეთ. სტუმრობა უშუალოდ ახალ სპექტაკლზე მუშაობის პროცესს დაემთხვა. ჩემი სუბიექტური აზრით, ეს ცალკე ხელოვნებაა. საოცრად საინტერესოა თითოეული პერსონაჟის განხილვა, მისი ემოციების, გრძნობების, ხასიათის მორგება, პერსონაჟის ტყავში შეძრომა და სხვა „მედ“ გადაქცევა, სადაც ყველა სიტყვას თავისი ინტონაცია, დატვირთვა და ალქმა აქვს. თითქმის მთელი საათი ვუსმენდი ალტაცებული და კიდევ ერთხელ ვინამე ხელოვნების ზებუნებრივი არსის.

ზაზა კიკნაველიძე დრამისა და ტელედადგმების რეჟისორია. მან საუბარი სტუდენტობის პერიოდით დაიწყო და მადლიერებით გაიხსენა მისი მასწავლებელი, საკუთარი პროფესიის ნამდვილი ოსტატი – ბატონი გიზო ჟორდანიანი. ჩვენი რესპონ-

თეატრალური გაზაფხული

ზაზა კიკნაველიძე: ზერ „სოფლის აშიკი“, მერე...

დენტი ამბობს: „შეიძლება ისწავლო, წარჩინებით დაეუფლო სამსახიობო ხელოვნებას, მაგრამ მაინც წიგნების ჩაკეტილ თაროდ გადაიქცე, ამიტომ უდიდესი მნიშვნელობა აქვს როგორ საზოგადოებაში, როგორი პედაგოგის ხელში მოხვდები“. მისი გზა კი ათწლიანი სამუშაო გამოცდილებით გაგრძელდა და გაღრმავდა მოზარდმაყურებელთა თეატრში. ნაბიჯ-ნაბიჯ გაიარა ყველა საფეხური – იყო სტაჟიორი, მეორე რეჟისორი, რეჟისორის ასისტენტი, მსახიობის ოსტატობისა და მსახიობის მეტყველების პედაგოგი, სტუ-

დიის დირექტორის მოადგილე. ბატონი ზაზას მოსვლა ჩვენი მუნიციპალიტეტის სამსახიობო გუნდში შემთხვევითობა სულაც არ იყო. მან ნახა ჩვენი დასის მიერ წარმატებით ნათამაშები სპექტაკლი, გაიცნო ხელმძღვანელები, დაინახა მსახიობების მონდომება და განვითარების სურვილი. ამ ყოველივემ დიდი გავლენა მოახდინა მასზე დაბევრი ფიქრის გარეშე ჩაება მუშა პროცესში. ბალდათელი მაცურებელი, სავარაუდოდ, აპრილის ბოლოს ნიკოლორთქიფანიძის ნოველების მიხედვით



დადგმულ სპექტაკლს, უკვდავ კლასიკას, „სოფლის აშიკს“ იხილავს.



რეჟისორს დიდი გეგმები და იდეები აქვს. უკვე ჩანიშნულია მეორე სპექტაკლიც, თუმცა ამ ეტაპზე უმნიშვნელოვანესია „სოფლის აშიკმა“ მისი სიტყვა თქვას და ბალდათელი პუბლიკა ინტერესით დამუხტოს. ბატონი ზაზას თქმით, „მსახიობების სამუშაო განწყობაზე დიდ როლს თამაშობს სტაბილურობის გაცნა. ბალდათს ჰყავს სამი თაობის მსახიობები. თითოეული მათგანი მნიშვნელოვანი ფიგურაა სამსახიობო გუნდისთვის. ერთობლივი მუშაობა ამალღებს მოტივაციას, სამუშაო პროცესს ხდის ნაყოფიერსა და სასიამოვნოს, ამიტომ ბალდათს ნამდვილად დიდხინიანი გეგმებით ვესტუმრე“.

ბალდათელ მაცურებელს სახალხო თეატრის ახალი რეჟისორი და მსახიობები მრავალფეროვან თეატრალურ გაზაფხულს ჰპირდებიან.

აზა მამანეიშვილი



წარსულის და ახუყოს ასე ვე-ფერებით



ბალდათის მუნიციპალიტეტის ა. (ა.) ი. პ. ხელოვნებისა და კულტურის განვითარების ცენტრი
საქართველო, ბალდათი, ჯახიანის ქ. №3
ტელ: 595 538 536; 591 00 76 54
ელ ფოსტა: chemigazeti@gmail.com

რედაქტორი ანა ქორიძე
„ჩემი გაზეთის“ გუნდი:
მარიამ ოქროჭელიძე, ჯუანშერ გეგეშიძე,
აზა მამანეიშვილი, ნინო რობაქიძე, ნინო სახამბერიძე,
ფოტო: ანა ფხალაძე

გაზეთი დაჯავადონდა
ი/მ მამუკა ჭოლაძის მიერ
დაიბეჭდა
შ.პ.ს. „ქოლორში“